



Nuuk, 2. maj 2024

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka.

**Naalakkersuisunut apeqqutit:**

**1. Sermitsiaq.ag-p nutaarsiassaataani<sup>1</sup> atuarneqarsinnaavoq: ”Erseqqissaatigissavara matumani tusagassiortunik paasissutissiinerput immiunneqarmat, taamaalilluta aamma tusagassiorfinnit eqqunngitsumik saqqummiussisoqassagaluarpat illersorsinnaaniassagatta, tassami ajoraluartumik tusagassiorfinnit saqqummiussaqaernerit ilaatigut oqaatsivut killorneqartangaaramik ilisarsaajunnaarlugit paatsoorneqarsinnaasunngorlugillu saqqummiunneqartarmata, Bourup Egede nassuiaavoq. Sooruna Naalakkersuisut tusagassiorfik pasisarnarsaraat, annerusumillu nassuiaateqaratik?**

**a. Eqqunngitsumik tusagassiortoqarsimaneranik Naalakkersuisut tigussaasunik assersuutissaqaernerpat?**

(Inatsisartuni ilaasortaq Jens NapâtôK, Naleraq)

**Tunngavilersuut:**

Naalakkersuisut ataasinngumilluunniit tunngavilersuinatik tusagassiorfinnik pasinarsarisinnaangillat. Naalakkersuisut ersarissumik takussutissartaqartumillu assersuutunik takussutissiisariaqarput. Ulluni makkunani inuiaqatigiit, kattufiit allallu akornanni aalisarnermut inatsisissaq pillugu aalassaqqasoqarnerani Naalakkersuisut tusagassiorfiit pasinarsarlugit oqariatuuteqarnerat. tunngavilersornagulu tulluannngilluinnarpoq. Naalakkersuisut tusagassiorfiit kukkusimaneramik takussutissaatai tamaavisa Naleqqamiit takorusuppagut.

Ullut suliffiusut qulit qaangiutsinnagit akineqarnissarput kissaatigaarput.

---

<sup>1</sup> [Royal Greenlandimut piumasaqaatit annertusineqartussanngorput \(sermitsiaq.ag\)](https://sermitsiaq.ag)